



OFFICIAL PRESS RELEASE

13 Ma'asi 2017

PUBLIC NOTICE
Fakafetongi Pa'anga Muli Ta'efakalao

Hufanga 'i he fakatapu kae 'oatu 'a e fanongonongo ko eni kiate kinautolu 'a e ngaahi falekoloa fakatau fakamovetevete 'i Tonga ni mo ha toe taha pe 'oku ne fakahoko 'a e fakafetongi pa'anga muli lolotonga ia 'oku 'ikai ke ne ma'u 'a e laiseni ke fakahoko 'a e fakafetongi pa'anga muli mei he Pangike Pule. 'Oku fakamanatu atu ke mou mea'i, fakatatau ki he Tu'utu'uni 3 'o e Ngaahi Tu'utu'uni (Fakatonutonu) ki he Pule'i 'o e Fetongi Pa'anga Muli kupu 3, kuo pau ke ma'u ha ngofua pe laiseni mei he Pangike Pule ke malava ke te fakahoko 'a e pisinisi fakafetongi pa'anga muli. Ko e Pangike Pule 'a e ma'u mafai ki hono laiseni mo tokanga'i 'o e ngaahi kautaha fakafetongi pa'anga muli 'i Tonga ni.

Fakatatau ki he Tu'utu'uni (Fakatonutonu) ki he Pule'i 'o e Fetongi Pa'anga Muli, *ko kinautolu kuo fakamafai'i ke nau fakafetongi pa'anga muli (authorized dealer) "ko ha taha kuo fokotu'u 'e he Pangike Pule Fakafonua 'o Tonga 'aki ha fanogongongo 'i he Kasete ke ne fakahoko 'o fakatatau ki he ngaahi taumu'a 'o e lao 'o hoko ko ha taha fakafehu'aki pa'anga 'o fekau'aki mo e pa'anga muli koia. 'Oku 'i ai 'a e ngaahi fakangatangata ki he fokotu'u' ni 'o fakatatau ki he'ene ha 'i he fanongonongo ni."*

'Oku fakamanatu atu heni ki he kakai 'o e fonua' fakatatau ki he Tu'utu'uni 11, *"Ko ha taha te ne fakahoko ha hia 'i he ngaahi tu'utu'uni ni kuo pau ke ne mo'ua 'o ka halaia – kapau ko ha taha fakafo'ituitui ki ha mo'ua pa'anga 'e 'ikai laka hake 'i he \$20,000 pe ngaue popula 'o 'ikai laka hake 'i he ta'u 'e 3; kapau ko ha sino fakakautaha, ki ha mo'ua pa'anga 'e 'ikai laka hake 'i he \$200,000."*

'Oku fakatokanga atu heni ki he kakai 'o e fonua', ko e hia 'a hono fakahoko 'o e fakafetongi pa'anga muli ka 'oku te'eki ai ma'u ha laiseni, pea ke ta'ofi leva 'a e ngaue ta'efakalao ni 'i he vave taha' pea fakahu mai ha'o tohi kole ki he Pangike Pule ke ma'u atu ha'o laiseni ke fakahoko 'a e fakafetongi pa'anga muli. 'Oku mau kole atu ki he kakai 'o e fonua' ke mou kataki 'o lipooti mai ki he Pangike Pule ha fa'ahinga taha 'oku ne fakahoko 'a e fakafetongi pa'anga muli ta'efakalao.

Ki ha ngaahi faka'eke'eke makehe kataki 'o fakafetu'utaki ki he:

Tafa'aki tokanga'i 'o e ngaahi kautaha fakapa'anga (Financial Institutions Department)

Pangike Pule Fakafonua 'o Tonga

Telefoni: (676) 24-057

Fax: (676) 24 201

Meili 'Elekitolonika: nrbt@reservebank.to

Peesi 'Initaneti: www.reservebank.to